



Samantekt í máli nr. 136/2022 – drög að reglugerð um breytingu á reglugerð um daggæslu barna í heimahúsum, nr. 907/2005.

Drög að reglugerð um breytingu á reglugerð um daggæslu barna í heimahúsum, nr. 907/2005, voru birt í samráðsgátt stjórnvalda þann 8. ágúst 2022. Frestur var þrjár vikur og umsagnir voru birtar jafnóðum og þær bárust. Sex umsagnir bárust í samráðsgátt, fjórar frá sveitarfélögum, þ.e. daggæslufulltrúum sveitarfélagsins Árborgar, leikskólaráðgjafa og umsjónaraðila með daggæslu í heimahúsum hjá Akureyrarbæ, sviðsstjóra fræðslu- og menningarsviðs Garðabæjar og leikskólafulltrúa Garðabæjar og skóla- og frístundasviði Reykjavíkurborgar. Þá barst ein umsögn frá dagforeldri í Hafnarfirði og ein frá einstaklingi. Allar innsendar umsagnir voru teknar til skoðunar og metið hvort þær gáfu tilefni til breytinga á reglugerðardrögunum.

Þær breytingar sem kynntar voru í samráðsgátt miðuðu einkum að því að aðlagja reglugerðina að nýjum lögum um Gæða- og eftirlitsstofnun velferðarmála, nr. 88/2021. Á þeim tíma sem samráð stóð yfir kom í ljós að sú reglugerðarheimild, sem áður var til staðar í lögum um félagsþjónustu sveitarfélaga, nr. 40/1991, var felld brott með setningu nýrra laga um Gæða- og eftirlitsstofnun velferðarmála. Þrátt fyrir að mennta- og barnamálaráðuneyti fari með málefni barna og ungmenna skv. VIII. kafla laga um félagsþjónustu sveitarfélaga, sbr. forsetaúrskurður nr. 6/2022, hefur mennta- og barnamálaráðherra ekki heimild til endurskoðunar reglugerðar um efnið. Var því í samráði við félags- og vinnumarkaðsráðuneyti ákveðið að félags- og vinnumarkaðsráðherra myndi endurskoða reglugerðina á grundvelli heimilda í lögum um Gæða- og eftirlitsstofnun velferðarmála.

Tekið var tillit til ábendinga sem bárust í samráðinu og vörðuðu aðlögun að nýjum lögum um Gæða- og eftirlitsstofnun velferðarmála og breyttu fyrirkomulagi leyfisveitinga og drögin uppfærð m.t.t. þeirra. Ýmsar ábendinganna sem bárust í samráðinu sneru að öðrum atriðum og var með hliðsjón af því sem að framan er rakið ekki talið fært að gera breytingar til samræmis við þær ábendingar. Rétt er að fram komi að á grundvelli stjórnarsáttmála ríkisstjórnarinnar er fyrirhugað að fara í frekari endurskoðun á fyrirkomulagi þjónustu í þágu barna, þ.m.t. í því skyni að brúa bil milli fæðingarorlofs og leikskóla. Því tengdu verður fyrirkomulag daggæslu barna í heimahúsum tekið til frekari skoðunar.